

# Neumodisches

(Text und Melodie Ernst Kofler 29.09.2007)

Miar san drei g`standene Mander aus Tiroler Urgestein  
wir liaben inser Leb`n die Musik und a den Wein  
Ja was isch mit insrer Sprach´ los Isch numma Deitsch no Walsch  
In Brüssel und Amerika da redns an Kauderwalsch

A Schneabrett isch a Snowbord a Radla isch a Bike  
a Soacher isch a Teeni der Michl hoasst iatz Mike  
statt wondara geiht ma trekking noch und noch hoasst Stepp by Stepp  
an Huangart isch a meeting a B`schiss des hoasst ma Nepp

Der Nena wurd si denk`n mei Gott was reida dia  
d`Nala wurd einlenk`n dia sei halt it wia miar  
isch noch am 1. Kriag so g`west hoba sa italienisiert  
iatz kimmt di ganz EU daher koa Sau des intressiert

A Schi isch iatz a carver a Koppa isch a cape  
Statt kraxla seht ma bouldern di Kathl hoasst iatz Kate  
a Schwetter isch a Sweat-shirt an Schuach des isch a Bout  
a G`lander isch a Reling s`essa hoasst ma Food

D`r Hofer der wurd sogä ja sei den dia no G!sheit  
Wia wurd i do heind sogä he Mand`r es isch Zeit  
ganz anders war der Kaiser wurd sagn liabe Leit  
miar lassn alls beim alt`n es hat mich sehr gefreut

A Spielplatz isch a Fun-Park a Briaf isch an E-mail  
heind sei d`Leit numma lustig heind sei sa lei mia geil  
bei ins da isch des andersch miar reda ins isch`s egal  
wia ins der Schnabel g`wachsa isch isch allezeit legal

-----  
für nicht Oberlander:

Mander – Männer

Deitsch- Die Deutsche Muttersprache

Walsch- Italienische Muttersprache

Kauderwalsch- ist die abwertende Bezeichnung für eine verworrene Sprechweise

Nena- Großvater

Nala- Großmutter

Hofer- Tiroler Freiheitskämpfer

Kaiser- gemeint ist Kaiser Franz Joseph I (1830-1916)

